

ONARPEN PROZEDURA, 2025/2026 IKASTURTEAN UPV/EHUren MEDIKUNTZA ETA ERIZAINZA FAKULTATEAN IKASTEN JARRAITZEKO MEDIKUNTZA, ODONTOLOGIA, FISIOTERAPIA ETA ERIZAINZAKO GRADUETAN

1. Araua aplikagarriak

- Ekainaren 11ko 534/2024 Errege Dekretua, graduiko unibertsitate-ikasketa ofizialetara sartzeko baldintzak, sarbide-probaren oinarritzko ezaugarriak eta onarpen-prozeduren oinarritzko araudia arautzen dituen.
- EBAZPENA, 2024ko abenduaren 16koa, Universidad del País Vasco / Euskal Herriko Unibertsitateko idazkari nagusiarena, Universidad del País Vasco/Euskal Herriko Unibertsitatean 2025-2026 ikasturterako eta hurrengoetarako graduiko ikasketak egiteko eta onartzeko prozedura argitaratzeko dena.

Unibertsitateko ikasketak hasita dituzten ikasleak onartzeko prozedura Graduiko ikasketen Gestiorako 2025-26 ikasturteko Arautegiko 11. artikuluan dago araututa.

2. UPV/EHUko Medikuntza eta Erizaintza Fakultatearen arautegi espezifikoak Medikuntza, Odontologia, Fisioterapia eta Erizaintza graduatarako (2025/2026 ikasturtea)

1. artikulua.- Eskaerak aurkezteko epea eta tokia

Ikastegiak eskaintzen dituen ikasketa ofizialetakoren bat (Medikuntza, Odontologia, Erizaintza eta Fisioterapia) UPV/EHU ez den unibertsitate batean – Europako Unibertsitate Eremuko unibertsitatea zein eremu horretatik kanpokoak – hasita izanik ikasketa horietan UPV/EHUko Medikuntza eta Erizaintza Fakultatean jarraitu nahi duten ikasleek espedienteak lekuz aldatzeko eskaera aurkeztu beharko dute **2025ko ekainaren 12tik uztailaren 1era bitartean, *fakultatearen webgunean izena emateko egongo den prozedura elektronikoaren bitartez***. Prozedura horrek bi fase izango ditu: 1. fasea, lekualdaketa onarpen notaren kalkulua; 2. fasea, hautaketa prozesua. Ikaslea ezingo da sartu ikastegian lekualdaketa bidez aurretik hasita dituen ikasketak egin nahi dituen berberak ez badira. Eskaerak bakarrik aurkeztuahal izango dira plazen eskaintza ofizialean agertuko diren maila eta titulazioetarako, Medikuntza eta Erizaintza Fakultatearen webgunean argitaratuko den deialdiarekin bat etorrira.

Espedienteak lekuz aldatzeko eskatzen den dokumentazioa eskaera elektronikoari erantsiko zaio, horretarako egongo diren eremuetan. Azaldutakoa aplikatuko da baita ere unibertsitateko ikasketa ofizialak hasita dituzten eta goi mailako eta errendimendu handiko kirolariak diren ikasleentzako.

Aurkeztu beharreko dokumentazioa:

1. NANaren edo pasaportearen fotokopia.
2. Lekualdaketa egiteko eskaera elektronikoa, behar bezala beteta. Eskaera elektronikoaz gainera, eskaera inprimatu beharko da bete ondoren, sinatu, eta aurkeztu. Bertan sartuta dago sinatu beharreko adierazpena, eskaeran aurkeztutako datuen eta dokumentazioaren egiazkotasunari buruzkoa.
3. Izena modu elektronikoan emateko prozedura fakultatearen webgunean jarriko da, eta irekita egongo da dokumentazioa aurkezteko epean (**2025ko ekainaren 12tik uztailaren 1era bitartean**).
4. Hautaprobetako, unibertsitatara sartzeko ebaluazioko edo proba baliokideko

txartela (jatorrizkoa edo fotokopia erkatua). Unibertsitatera sartzeko ebaluaziokoedo proba baliokideko kalifikazioa egiaztatu behar da, unibertsitaterako sarrera nota (USN) eta graduanonartua izateko proba espezifikoen notak barne, graduon onartua izateko nota (GON) kalkulatzeko. Gutxienez bi dezimal adierazi behar dira notak. Proba espezifikoetako gaiak izango dira UPV/EHUREN webgunean argitaratuko direnak sarbide orokorrerako, onartuta daudenak ikastegiko titulazioetan sartzeko (biologia, kimika eta fisika).

Unibertsitate aurreko ikasketak Europar Batasuneko herrialde batean egin dituzten ikasleen kasuan, bai eta Europar Batasuneko ez den herrialde batean egin dituzten ikasleen kasuan ere (herrialde horrekin elkarrekikotasun hitzarmena izan zein ez), unibertsitatera sartzeko ebaluazioko kalifikazioa kalkulatu da unibertsitatera sartzeko prozedura orokorrean zehaztutakoari jarraiki. Hau da, kasu horietan guztietan unibertsitaterako sarrera nota (USN) izango da UHUNEK emandako agirian agertzen dena; eta graduon onartua izateko nota (GON) kalkulatzeko kontutan hartuko dira unibertsitatera sartzeko ebaluazioko onarpen faseko probak (Espainiako edozein unibertsitatetan egindakoak) eta/edo UHUNEK Gaitasun Espezifikoko Probetako kalifikazioak.

Unibertsitaterako sarrera nota ofiziala (USN) egiaztatzen duten dokumentuak ez badira aurkezten aurreko pasarteetan adierazi den moduan, **bost kalifikazioa jarriko da**. Ez badira aurkezten graduon onartua izateko nota (GON) ofiziala egiaztatzen duten dokumentuak, edo graduon onartua izateko proba espezifikoetako egiaztatzen dutenak, **nota izango da USNko nota bera**.

5. Zatika egindako unibertsitate ikasketen ziurtagiri akademiko zehatza (jatorrizkoa edo fotokopia erkatua).

a) Dokumentu horretan honako hauek agertu beharko dira: **Titulazioko ikasketa-planaren urtea**, gaitututako gai/irakasgai guztien izena eta kalifikazioa, gai/irakasgai horiei dagokien maila eta gaitututako gai/irakasgai bakoitzaren ECTS, kreditu edo ordu kopurua, haladagokionean.

Europako Unibertsitate Eremuko unibertsitate batean egindako kredituak ECTS ez badira edo ikasketa planak kreditutan egituratuta ez badaude, eskaera onartzeko aurkeztu beharko da, orain arte aipatutakoez gain, ziurtagiri bat non adieraziko diren matrikulatutako mailetan oraindik gaitutu gabe dauden gai/irakasgai guztien izena eta, hala dagokionean, gaitutu gabeko gai/irakasgai horien kreditu edo ordu kopurua.

b) Gainera, ziurtagirian laburbilduta agertu beharko da jatorrizko titulazioan gaitututako nahitaezko gai/irakasgaiaren ECTS, kreditu edo orduen kopuru osoa, bai eta gai/irakasgai horien batez besteko nota ere, ECTS, kreditu edo ordu kopuruaren arabera haztatua (ikus beharago).

Europako Unibertsitate Eremuko unibertsitate batean egindako ECTS kredituak ez badira, orain arte aipatutakoez gain, maila bakoitzeko eta jatorrizko titulazio osoaren laburpena aurkeztu beharko da, informazio hau emanda: nahitaezko irakasgaiaren kopuru osoa (gaitututak eta gaitutu gabek) eta kreditu edo orduen kopuru osoa. Zenbaki horiek erabiliko dira kalkulatzeko lekualdaketarako onarpen nota (LON) eta/edo lehentasun nota (LN) eta, hortaz, **aurkezten ez badira, ezingo da tramitatu eskaera**. Kreditutan egituratuta ez dauden ikasketa planen kasuan, kreditu baliokideak honela kalkulatu dira: 10 ordu kreditu bat izango dira eta, ordu kopurua agertzen ez bada, urteko irakasgaiak 12 kredituren parekotzat hartuko dira eta sei hileko irakasgaiak 6 kredituren parekotzat.

Espediente akademikoaren batez besteko nota 0-10 bitarteko eskalan adieraziko da, 1125/2003 EDn ezarritakoaren arabera kalkulatu. Ikaslea atzerriko sistema batetik badator, **atzerrian egindako ikasketen batez besteko notaren baliokidetzak agiri**a aurkeztu beharko du. Agiri hori Hezkuntza eta Lanbide Heziketako Ministerioaren webgunearen bidez eskatu behar da. Gaitututako gai/irakasgaiaren batez besteko nota modu haztatuaren kalkulatu beharko da kasu guztietan, honela: gaitututako gai/irakasgaiaren ECTS

kredituen edo kreditu baliokideen batura, horietako bakoitza gai/irakasgaiari dagokion kalifikazioaren balioarekin biderkatuta, eta guztia zati gai/irakasgai horien ECTS kredituen edo kreditu baliokideen kopuru osoa.

- c) Dokumentuen itzulpena. Administrazio Publikoen Administrazio Prozedura Erkideari buruzko 39/2015 Legeko 16.1 artikulua arabera, dokumentazioa Euskal Autonomia Erkidegoaren bi hizkuntza ofizialetako batean aurkeztu behar da, euskaraz edo gaztelaniaz. Hortaz, bat etorrita prozedura horiei dagozkien arauak diotenarekin, prozeduretan ondorioak izan behar dituzten agiriak atzerrian emandakoak badira, euskara edo gaztelaniara egindako itzulpen ofiziala aurkeztu beharko da (hizkuntza horietako batean eman ez badira). Itzulpen ofiziala honakoek egin ahal izango dute: (i) zinpeko itzultzaile batek, behar bezala baimendua edo Espainian inskribatuta dagoena; (ii) espainiar estatuak atzerrian dituen ordezkari diplomatiko edo kontsularretako batek; (iii) eskatzailearen hiritartasunari edo dokumentuaren jatorriari dagokion herrialdeak Espainian duen ordezkari diplomatiko edo kontsularrak.

- d) Dokumentuak legeztatzea:

- Ez da inolako legeztatzerik eskatzen Europar Batasuneko estatu kideetan edo Europako Esparru Ekonomikoari buruzko Akordioa sinatu duten estatuetan emandako dokumentuetarako.
- 1961eko urriaren 5eko Hagako Hitzarmena sinatu duten herrialdeetan emandako dokumentuak: nahikoa da herrialdeko agintari eskudunek emandako legeztatze bakarra edo "zigilua".
- Andrés Bello hitzarmena sinatu duten herrialdeetan emandako dokumentuak (Andrés Bello Hitzarmeneko Hezkuntza ministroen XIX. Bileran onartutako 006/98 Erabakia, 2. artikuluko 6. atala): bide diplomatikoz legeztatu behar dira.
- Gainerako herrialdeetan emandako dokumentuak: bide diplomatikoz legeztatu behar dira.
- Beste herrialde batzuek Espainian dituzten agintari diplomatiko edo kontsuletxeek emandako dokumentuak Kanpo Harremanetako Espainiako Ministerioan legeztatu behar dira.

6. Bi hizkuntza ofizialetako batean, gaztelania edo euskara, **B2 mailaren parekoa den jakite mailaren egiaztagiria, unibertsitate aurreko ikasketak espainiar lurraldetik kanpo edo gaztelania hizkuntza ofizial ez den herrialdeetan** egin dituztenen kasuan.

Medikuntzako Gradua euskaraz egitea eskatuko den lekualdaketetan, **euskarako B2 mailaren parekoa den jakite mailaren egiaztagiria** aurkeztu beharko da, edo batxilergoko ikasketak euskaraz egin direla egiaztatzen duena.

7. **Irakasgaien programak** eskaera elektronikoki atxikita baino ez dira aurkeztuko, **2. fasean:** irakasgaien programak jatorrizko ikastegiaren webgune ofizialean argitaratuta badaude, programetarako esteka adieraziko da ("gidaliburuak" eta abar). Gainerako kasuetan, jatorrizko unibertsitateak **erkatutako** programa atxiki beharko da, pdf formatuan.
8. Eskaera edo eskaera egiteko zirkunstantziak justifikatzeko aurkeztu nahi den beste edozein dokumentu.

2. artikulua.- Eskaera onartzeko gutxieneko baldintzak

Ikastegiak eskaera tramita dezan, beherago zehazten diren baldintzak bete beharko dira. Baten bat beteko ez balitz, eskaera atzera botako da.

1. **Prozeduratik kanpo geratuko dira** eskaera hauek:

- a) Bide elektronikoa erabilita **2004ko ekainaren 14tik uztailaren 1era bitartean** osorik bete ez direnak. Ez da onartuko **bide elektronikoa erabilita osorik bete ez den eskaerarik** edo 2024ko uztailaren 1eko 24:00ak baino beranduago aurkeztutako eskaerarik (Espainia penintsularreko ordua).
- b) Lekualdaketa **jatorrizko titulazioa helburuko titulazioa ez denean**. Lekualdaketa onartuko da bakar-bakarrik jatorrizko titulazioa eta helburuko titulazioa berberak direnean.

2. UPV/EHUn ikasten jarraitzeko arauen parekoa den araubidea agortu duten eskatzaileak prozeduratik **kanpo geratuko dira**.
3. Eskaerak onartuko dira baldin eta jatorrian **60 ECTS** kreditu gainditu badira, edo horren parekoa den maila oso bateko kreditu, ordu zein irakasgai kopurua jatorrizko erakunde akademikoan, UPV/EHUko Medikuntza eta Erizaintza Fakultatean eskaintzen diren titulazioetako batean (Medikuntza, Odontologia, Erizaintza eta Fisioterapia).
4. Eskaerak aurkeztu ahal izango dira **plaza ofizial hutsak** dituzten maila eta ikasketetarako, kontuan hartuta Medikuntza eta Erizaintza Fakultatearen webgunean argitara emango den deialdia.
5. **Ez dira onartuko** graduetak **lehen mailarako** aurkeztuko diren lekualdaketa eskaerak.
6. **Lekualdaketa** **plaza dela eta**, ikasleari atxikiko zaion maila izango da **jatorrian 30 ECTS kreditu edo gehiago gainditu gabe dituen mailaren hurrengoa edo goragokoa**. Ez da onartuko eskaerarik jatorrizko unibertsitatean egindako azken maila baino beheragoko maila baterako (esate baterako, ez da onartuko bigarren maila egiteko lekualdaketa ikasleak 30 ECTS kreditu baino gehiago baditu gaindituta jatorrizko bigarren mailan).
7. **Unibertsitate aurreko ikasketak Espainiatik kanpo** egin dituzten eskatzaileek **B2 mailaren parekoa den jakite mailaren egiaztagiria** egiaztatu beharko dute hizkuntza ofizialetako batean, hau da, euskaraz edo gaztelaniaz. Jakite maila hori ez dute egiaztatu beharko gaztelania hizkuntza ofiziala den herrialdeetan jaiotakoek.
8. UPV/EHUko Medikuntza eta Erizaintza Fakultatearen titulazioetako lehenengo mailan sartzeko eskaria handia denez, lekualdaketa eskaera **ez da onartuko 1. fasean lekualdaketa onarpen nota (LON) gutxieneko nota baino txikiagoa bada** (kasuan kasuko graduako lehen mailan ohiko bidetik sartzeko beharizan zen nota eskatzaileak unibertsitatean sartzeko ebaluazioa edo proba baliokidea egin zuenean). Horretarako, aplikazio informatikoak honela kalkulatu du LON:

$$LON = GON + T \frac{NECTS}{IECTS}$$
non GON den graduako onarpen nota, arautegi honetako 1. artikuluko 4. eta 5. puntuetan azaldu den moduan; T den titulaziorako koefizientea (**T = 1,0 Medikuntza, Fisioterapia eta Odontologiarako; T = 3,0 Erizaintzarako**); NECTS den jatorrizko titulazioan gainditu diren nahitaezko gai/irakasgai guztien ECTS kredituen edo kreditu baliokideen batura; eta IECTS den jatorrizko titulazioan mailabat osatzeko behar diren ECTS kredituen edo kreditu baliokideen kopurua guztira (Europako Unibertsitate Eremuan IECTS = 60). NECTS eta IECTS kalkulatu dira arautegi honetako 1. artikuluko 5.b puntuan azaldu den moduan. Gainera, jatorrizkotitulazioko mailetan kreditu kopurua beste bat bada, IECTS kalkulatzeko kontuan hartuko da jatorrian egindako mailai dagozkien kreditu kopuruen batez bestekoa. Dena den, **2.5 balioa** ezarri dugu NECTS/IECTS koefizientearen **gehieneko kopuru gisa**. Eskaera **ez da onartuko LON nota gutxieneko onarpen nota baino txikiagoa bada**. Gutxieneko nota hori izango da eskatzaileak unibertsitatean sartzeko ebaluazioa edo graduako azken proba espezifiko egin zuen urtean UPV/EHUK argitaratu zuena modu ofizialean (kupo orokorreko ikasleek kasuan kasuko ikasketak egiteko izan zutena). Bi proba horietako notak kontuan hartuta, eskatzailearentzat komenigarriena den aukeratu da.
Unibertsitate sartzeko proba gradua ezarri aurretik egin bazen, kalkulurako erabiliko den **gutxieneko onarpen nota izango da gradua UPV/EHUn ezarri zen urtean unibertsitateak argitaratu zuena modu ofizialean (kupo orokorreko ikasleek kasuan kasuko ikasketak egiteko izan zutena)**.
9. Erizaintzako Graduako eskatuko diren lekualdaketen kasuan, eta 8. puntuan ezarritako baldintza behin beteta, maila esleitzeko LON nota lortu duten eskatzaileei, kontuan izango da Practicumean edo praktika kliniko baliokideetan gainditutako kreditu kopurua.

3. artikulua.- Eskaerak hautatu eta antolatzeko irizpideak

Bigarren artikuluan aipatutako baldintzak betetzen ez dituzten eskatzaileak ez dira pasatuko eskaeraren hurrengo fasera (bigarren fasea: hautaketa prozesua). Lekualdaketetarako eskaerak egiteko epea ireki baino lehen emango da argitara fakultatearen webgunean Medikuntza, Odontologia, Fisioterapia eta Erizaintzako graduetako maila bakoitzean gehienera baimenduko den plaza kopurua. Kopuru hori zehaztuko da kontuan hartuta maila bakoitzean 2024/2025 ikasturterako ofizialki aurreikusiko den matrikula eta ikastegiko titulazioetan onar daitezkeen ikasleen gehieneko kopuru ofiziala, betiere bat etorrita titulazio bakoitzerako UPV/EHUko Gobernu Kontseiluak onartutako kopuruekin.

- a) Gradu eta Graduondoko Ikasketen Gestiorako Arautegiaren arabera (II. kapituluko 14. artikulua), 971/2007 Errege Dekretuan definitutako goi mailako eta errendimendu handiko kirolarien eskaerek lehentasuna izango dute kasuan kasuko ikasketetan lekualdaketetarako dauden plazak esleitzean. Ezarritako epetik kanpo, esleitu gabeko plaza hutsak geratu direnean baino ez dira era honetako lekualdaketak onartuko.
- b) Aipatutako baldintzak betetzen dituzten ikasleek, gure fakultateko graduako titulazio ofizialetan onartuak izan nahi badute, formulario elektronikoaren bigarren fasea bete beharko dute (2. fasea: hautaketa prozesua). Fase horretan informazioa eskatuko da, jakiteko jatorrizko titulazioan gainditutako irakasgaiak eta gure ikasketa planetako irakasgaiak baliokideak diren. Dekanotzak baliokidetza hori egiaztatuko du, **eskatutako mailaren egokitasuna berresteko**. Kontutan izan beharko da ez dela onartuko maila baterako lekualdaketarik aurrebaldintzak betetzen ez badira (adibidez, ez da Medikuntzako laugarren edo bosgarren mailarako eskaerarik onartuko Medikuntzako lehen hiru mailetan 17 ECTS kreditu baino gehiago izanez gero gainditu gabe guztira; ez eta Erizaintzarako lekualdaketarik ere, kasuan kasuko Practicumak gainditu gabe izanez gero). Ikastegiak egiaztatzen badu eskatutako maila ez dela egokia, azaldu diren arrazoietakoren batengatik, eskaera hautaketa prozesutik kanpo geratuko da.
- c) Bigarren artikuluko baldintzak beteko dituzten eskaera guztiak lehentasun irizpide batzuen arabera baloratuko dira, lehia dagoen kasu guztietan (eskaera balioudunak eskainitako plazak baino gehiago direnean). Ikastegiak lehentasun nota (LN) kalkulatu du baldintzak betetzen dituzten eskaerak ordenatzeko. Horretarako, formula hau aplikatuko du:

LN = GON + 0,5*NN * F, non GON den gradurako onarpen nota, arautegi honetako 1. artikuluko 4. eta 5. puntuetan azaldu den moduan; NN den jatorrizko titulazioan gainditu diren nahitaezko gai/irakasgaien batez besteko nota,

haztatuta ECTS kredituen edo kreditu baliokideen kopuruaren arabera, arautegi honetako 1. artikuluko 5.b puntuan azaldu den moduan; eta F den jatorrizko titulazioan gainditu diren nahitaezko gai/irakasgai guztien ECTS kredituen edo kreditu baliokideen batura (NECTS) zati jatorrizko titulazioko ECTS kredituen edo kreditu baliokideen kopurua guztira. NECTS eta titulazio osoko ECTS edo kreditu baliokideak kalkulatzeko jarraituko zaio arautegi honetako 1. artikuluko 5.b puntuan azaldu den prozedurari. Ikastegiak baldintzak betetzen dituzten eskaerak ordenatuko ditu, LN handienetik txikienera (bi dezimalekin), eta lekualdaketetarako eskainitako plazak ordena horren arabera esleitu dira (ikusi aurreko pasartea). Ez dira ikasturte bakoitzean eskainitako plazak baino gehiago esleitu, nahiz eta gutxieneko baldintzak betetzen dituzten eskatzaileak egon zerrendan. Aldiz, gutxieneko baldintzak betetzen dituzten eskaeren kopurua lekualdaketetarako eskainitako plazen kopurua baino txikiagoa bada, plazak ez dira beteko eta hurrengo ikasturteko (2025/2026) lekualdaketa eskainiko dira.

4. artikulua.- Erabakia, jakinarazpena eta matrikula

Behin-behineko erabakia idatziz baino ez da jakinaraziko, ikastegiaren webgunearen bidez, (idazkaritza – tramiteak) uztailaren amaiera aldera. Onartutako ikasleei jakinaraziko zaiezin izango den une horretatik aurrera jarraitu beharreko prozedura, fakultatean ikasten hasteko. Ikasleak plaza lortuz gero, espediente akademikoa lekuz aldatu beharko da. Tramite hori jatorrizko ikastegiak edo unibertsitateak egin beharko du, interesatuak UPV/EHU onartua izan dela egiaztatu ondoren. LekualdaketaUPV/EHUren ikastegi batetik beste batera egin bada ikasketa berberekin jarraitzeko, erabilitako deialdiak espediente berrian jasota agertuko dira, baina, edozelan ere, horrelakoetan, ikasleak bermatuta izango ditu bi deialdi.

Behin espedienteak lekuz aldatuta, eskatzaileak aurretiko matrikula egiteko eskaera egin beharko du webgunean argitara emandako data baino lehenago, eta bertan adieraziko ditu eginak dituen eta baliokidetu nahi dituen ikasketa planeko irakasgaiak. Behin fase hau ebatzita, irailean zabalduko da matrikula ikastegiko idazkaritzan egiteko epea.